



Bergarako
Udala

OINEZBUSA ETA AUZOETAKO ESKOLA GARRAIOAREN DIRULAGUNTZA ZEHAZTEKO HITZARMENA

Bergaran, 2024ko martxoaren 4an

BILDU DIRA

Alde batetik,

GORKA ARTOLA ALBERDI jauna, Bergarako Alkatea, Bergarako Udalaren ordezkartzan.

Bestetik,

AGURTZANE LOIDI LARRAÑAGA andrea, adinez nagusia, 15378076T zenbakidun NAN duena, eta Bergaran, Herrilagunak 1ean dagoen Telesforo Aranzadi Koop. ikastolako gerentea, Aranzadi ikastolaren izenean.

NAGORE MURUA URIA andrea, adinez nagusia, 15390732Y zenbakidun NAN duena, eta Bergaran, Bidekurutzeta kalean dagoen Mariaren Lagundia ikastolako zuzendaria, Mariaren Lagundia ikastolaren izenean.

Agurtzane Loidi Larrañaga andreak eta Nagore Murua Uria andreak, alkatearen aurrean adierazi ondoren haiek ordezkatzeko dituzten ikastolak ez daudela estatuaren 2003ko azaroaren 17ko 38/2003 legeak eta gainerako legediak aurreikusitako debeku kasuetan, bi aldeek elkar behartzeko ahalmena aitortu eta ondorengo adierazi dute.

ADIERAZPENAK

Aranzadi eta Mariaren Lagundia ikastolek batera antolatzen dute eskola garraioa ikastola bietako haurrentzat, eta Eusko Jaurlaritzaren aldetik ez dute jasotzen horretarako diru-laguntzarik. Zerbitzu horren kudeaketa txandaka egiten dute bi ikastolen artean.

Ikastolek goizetako auzoetako garraiorako egoki ikusten dute Herribusa erabiltzea, herriko garraio publikoa sustatzeaz gain, ingurugiroari dagozkion arazoak ere kontuan dauzkatelako, trafiko astun gutxiago egongo da herrian. Horrez gain, mugikortasun jasangarriago batera heltzeko helburuarekin, Oinezbusa ekimena ere martxan jarriko dute goizetan, ikasleak ikastolara oinez joatea sustatuz. Udalak bat egiten du erabat Oinezbusa ekimena sustatzearekin eta ekimen honen goizetako gastuaren %75 bere gain hartuko du.

Horretarako 2024ko udal aurrekontuan ikastola horien alde 14.013,58 euroko dirulaguntza izenduna jaso da 0330.481.326.30.02.2024 partidaren hitzarmen honen helburua dela diru-laguntza hori elkarteari bideratzea eta onuradunak bere gain hartzen dituen betebeharrak zehaztea.

ARANZADI
IKASTOLA

Herrilagunak kalea, 1 - 20570 Bergara
Tel.: 943 76 90 71

AGURTZANE LOIDI LARRAÑAGA



Begarako
Udala

Azaroaren 17ko 38/2003 Diru-laguntzen Lege Orokorrak 22.2 artikuluan ezartzen duela zuzenean eman ahalko direla aurrekontuetan izendun gisa aurreikusitako diru-laguntzak, diru-laguntza horien hitzarmenetan eta araudi erregulatuazalean jasotako baldintzen arabera, eta 28 artikuluan ezartzen du hitzarmenak ohiko tresna izango direla dirulaguntza horiek bideratzeko.

Halaber, Dirulaguntzen Lege Orokorren Erregelamenduak 66. artikuluan aurreikusteen duela horrelako kasuetan emakidaren egintzak edo hitzarmenak emakidaren oinarri arautzaile-izaera izango duela Dirulaguntzen Lege Orokorrean ezarritakoaren ondorioetarako, eta, berorren edukia zehazten duela.

Hala, bada, adierazitako xedapenetan ezarritakoarekin bat etorritz, bi aldeek erabakitzen dute honako klausulak dituen hitzarmena hitzartu dute:

KLAUSULAK

LEHENENGOA: Udalak lagunduko duen zerbitzua.

Udalak 2023 / 2024 ikasturteko Aranzadi eta Mariaren Lagundia ikastolen ikasleen Oinezbus zerbitzuaren zaintza diruz lagunduko du. Zerbitzu horren antolakuntza eta kudeaketa ikastolen ardurapekoa izango da. Hitzarmen honen gaineko edozein jakinarazpen Mariaren Lagundia ikastolari egingo zaio, eta hori eginda bi ikastolak jakinarazita daudela ulertuko da.

BIGARRENA: Dirulaguntzaren kopurua.

Begarako Udalak gehienez 14.013,58€-ko diru-laguntza emango du 2023/2024 ikasturteko eskola garraioaren zaintza zerbitzua diruz laguntzeko. Kopuru honetan sartuta daude:

- Oinezbuseko zaintza zerbitzua eramaten duen enpresaren gastuaren %75 eta gehienez ere 13.237,05€ ordainduko ditu kontzeptu honetarako udalak.
- Banakako kilometrajea: Eusko Jaurlaritzako 2020ko abenduaren 15eko hezkuntza sailburuaren agindua, eskola garraiorako banakako esleipenak arautzen dituen baldintzak ikusita: 776,53€

Horrez gain, udalak bere gain hartuko du ikastolekin adostutako Angiozar, Osintxu, Ubera eta San Juan auzoetako ikasleen garraioa. Hauek Herribusean jaitsiko dira ikastolara eta ikasle hauen bidaiaren kostua udalak bere gain hartuko du. Zenbateko hori faktura bidez ordainduko zaio zuzenean Herribusa kudeatzen duen enpresari. Auzo hauetakoak ez diren ikasleek, bakoitzak bere bidai txartela hartu eta ordaindu beharko du.

HIRUGARRENA: Ordainketa.

Dirulaguntza kobratzeko hitzarmen hau sinatu beharko da eta ondorengo dokumentazioa aurkeztu 2024ko irailaren 30a baino lehen:

- Dirulaguntza ordaintzeko eskabidea, udaleko inprimaki orokorra erabilita.
- Balantzea
- Aurrekontuarekiko desbideratze esanguratsuak
- Gastuen zerrenda sailkatua
- Diru-sarrerren zerrenda sailkatua
- Oinez-busa egitasmoaren memoria



Mariaren Lagundia
Ikastola
BEGARA

ARANZADI

IKASTOLA



Bergarako
Udala

- g. Diruz lagundutako jarduera finantzatu duten beste diru-sarrera edo -laguntza batzuen zerranda zehatza eta haien zenbatekoa eta jatorria. Dagokion dokumentazioa ere erantsi behar da. Bestelako laguntzarik ez bada jaso, hala adierazi behar da.
- h. Programatutako jardueren gaineko dokumentazio grafikoa (kartelak, eskuprogramak eta -orriak, banatutako idatzizko materiala, prentsa-oharrak eta abar.
- i. Izandako zaintza zerbitzuaren gastuen fakturen kopia.

Halaber, Udalak ofizioz egiaztatuko du Bergarako Udalarekiko ordainketak egunean dituela eta jarduera burutu ahal izateko Bergarako udalarekiko betebeharrak guztiak betetzen dituela.

Hitzarmena sinatu eta dokumentazioa aurkeztutakoan ordainketa bakarrean ordainduko du udalak diru-laguntza.

LAUGARRENA: Iraupena.

Hitzarmen hau indarrean egongo da sinatzen denetik kontatzen hasita eta dirulaguntza justifikatu arte. Diru-laguntza hau borondatezkoa da eta aurrerantzean ezin izango da aurrekarizat hartu.

BOSTGARRENA: Ikastolen betebeharrak.

Aranzadi Ikastolak eta Mariaren Lagundia ikastolak eskola garraio zerbitzua indarrean dagoen legedia betez eskainiko dute, horretarako Eusko Jaurlaritzak ikastetxe publikoetako ikasleen garraiorako jartzen dituen baldintza berberak betetzeko konpromisoa hartu dute.

Ikastolek ez dituzte oztopatuko Udalak egin ditzakeen ikuskapenak.

Halaber, honako baldintzak ere bete betetzeko konpromisoa hartzen dute:

- a) Diru-laguntza ematea oinarritu duen helburua betetzea, proiektua betearaztea, ekintza gauzatzea edo jokabidea hartzea.
- b) Diru-laguntza eman duen organoari honako hauek justifikatzea: betebeharrak eta baldintzak bete izana, ekintza gauzatu izana eta diru-laguntza jaso edo erabiltzearen helburua bete izana.
- c) Diru-laguntza ematen duen organoak eta eskuduntza izendaturik duten estatuko nahiz erkidegoko kontrol-organoei egin ditzaketen egiaztatze-jardunak eta finantza-kontrolak onartzea; bai eta aurreko jardunak burutzeko errekeritutako informazioa ematea ere.
- d) Diru-laguntza eman duen organoari jakinaraztea diruz lagundutako ekintzak finantzatzen dituzten beste diru-laguntza, laguntza, diru-sarrera edo bitarteko batzuk lortu izana. Jakinarazpena, horien berri izan eta berehala egin beharko da, eta, edozelan ere, fondoak emandako erabilpena justifikatu baino lehen.
- e) Ogasunekiko betebeharrak eta Gizarte Segurantzakoetan egunean egotea. Halaber, Bergarako Udalarekin inongo motatako zorrik ez izatea eta betebeharrak fiskaletan, zergatan eta zergaz aparte tasetan eta prezio publikoen ordainetan egunean egotea. Bergarako Udalak ofizioz egiaztatuko du elkarteak Bergarako Udalarekin egunean dagoela.
- f) Jasotako fondoak zertan erabili diren egiaztatzeko dokumentuak gordetzea, gutxienez sei urtez, bai eta dokumentu elektronikoak ere, egiaztatze eta kontrol jardunak burutu daitezzen.

MARIAREN LAGUNDIA
IKASTOLA
BERGARA

ARANZADI
IKASTOLA

Herrilagunak kasa
Tel.: 93 66 7 7 7

IKASTOLA



Begarako
Udala

- g) Jasotako fondoak itzultzea oinarri hauetan aurreikusitako kasuetan edota indarrean dagoen gainontzeko legediak jasotzen dituen kasuetan.
- h) Diruz lagundutako jarduera garatzeko behar beste baimen lortzea, eta baimenon xedapenak betetzea.
- i) Jardueraren garapenari buruzko informazioa ematea, udalaren aldetik jarraipena egin edo laguntzeko.
- j) Diru-laguntza emateko kontuan hartu den edozein gorabehera aldatuz gero, diru-laguntza eman duen organoari jakinaraztea.
- k) Neurriak hartzea diruz lagundutako ekintzen berri emateko, eta horietan adierazi beharko da Bergarako Udalak diruz lagundu duela.

Ateratako eskuorri, kartel, sare sozialetan edo bestelako publizitate euskarrietan, Bergarako Udalak diruz lagundu duela adierazi beharko da. Halaber, aurkezpen edo prentsaurrekoak egiten baditu, Bergarako Udalari gonbidapena egingo dio.

Gainera, baldintza hauek bete beharko dituzte:

- Euskararen erabileraren inguruan: Diru-laguntza hauek jasotzeko ezinbestekoa izango da, gutxienez, euskara erabiltzea ekitaldi eta idatzizko komunikazio publikoetan: iragarki, ohar eta abar.

Ahozko komunikazioetan, bi hizkuntzak erabiliz gero, euskarari emango zaio lehentasuna, euskarazko aurkezpena erdarazkoaren aurretik eginez.

Era berean, idatzizko komunikazio elebidunetan ere, euskarari emango zaio lehentasuna, bai kokalekuaren aldetik (euskarazkoa erdarazkoaren gainean), bai neurriaren aldetik. Testuak, hizkuntza aldetik, zuzen idatziak daudela egiaztatzeko, Euskara Zerbitzura eraman ahalko dira.

Antolatzen dituzten jarduerak (ikastaro, hitzaldi, entrenamendu eta era guztietako ekitaldiak...) euskaraz izatea bultzatuko da, bereziki gazteei bideratuak direnean, eskolako irakaskuntzaren osagarri izan daitezen.

- Gizonen eta emakumeen arteko berdintasunari buruz:

1.- Bete egin beharko ditu 1/2023 Legegintzako Dekretua –martxoaren 16koa, Emakumeen eta Gizonen Berdintasunerako eta Emakumeen Aurkako Indarkeria Matxistarik Gabe Bizitzeko Legearen testuategina onartzen duena– eta 3/2007 Lege Organikoa –Emakumeen eta Gizonen Berdintasun Eragingarrirakoa–.

2.- Udalak markatutako irizpideak jarraitu beharko ditu elkarteak. Beraz, jarduera, proiektu edo programarekin lotutako iragarki eta komunikazioetan ez da erabiliko ez hizkera ez irudi sexistarik, estereotipo eta rolak alde batera utziz. Era berean, ezingo da diskriminatu sexu-arrazoiengatik. Eta emakumeen presentzia eta parte hartzea eremu guztietan ahalbidetuko da (zuzendaritzan, bazkideen artean, erabiltzaileen artean eta abarretan).

Edozein sari-mota emateko sortzen diren hautaketa-epaimahaietan trebakuntza, gaitasun eta prestakuntza egokia duten emakumeen eta gizonen ordezkaritza orekatua bermatuko da. Ordezkaritza orekatua izango da lau kide baino gehiago dituzten epaimahaietan sexu bakoitzak gutxienez % 40ko ordezkaritza izatea.



Abp...
MARIAREN LEKONDIRI
IKASTOLA
BERGARA

ARRAZADI
IKASTOLA
Herrilagunak kalea, 1 · 20300 Bergara
Tel.: 943 76 90 71

IRISMAIRIA
IKASTOLA



Bergarako
Udala

- Adikzioen prebentzioari dagokienez, dirulaguntza hauek jasotzeko ezinbestekoa izango da Euskal Autonomia Erkidegoko Adikzioen 1/2016 Legeak edari alkoholdunen publizitatea, sustapena, banaketa eta kontsumoa mugatzeko neurriak betetzea, bereziki bere jarduna adingabeei zuzendutakoa denean. Horrelako neurriak ere hartu beharko dira tabakoaren adikzioa prebenitzeko.

3.- Sexuaren aldagaia, sistematikoki txertatzea egiten diren estatistika, inkesta eta datu bilketa guztietan, bai eta udalari aurkeztu beharreko txostenetan.

Gipuzkoako Lurralde Historikoko Zergei buruzko martxoaren 8ko 2/2005 Foru Arau Orokorra aplikatuz, Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Legearen Zortzigarren Xedapen Gehigarria aplikatuz eta, oro har, 39/2015 Legearen 28. artikuluan jasotako aurreikuspena aplikatuz, dirulaguntza hau kudeatzeko ez da beharrezkoa izango interesdunaren baimena, eta Udalak bere eskumenak erabiliz datuen zehaztasuna egiaztatzeko behar beste egiaztapen egin ahal izango du, bai eta bere esku dauden edo beste edozein administraziok egin dituen dokumentuak kontsultatu eta eskuratu ere.

Baldintzak edo betebeharrak betetzen direla egiaztatzeko, Bergarako Udalak honako kontsulta hauek egingo dizkie beste administrazio batzuei:

- Foru Ogasunei:
 - Zerga-betebeharrak egunean izatea.
- Gizarte Segurantzaren Diruzaintza Orokorrari (GSDO):
 - GSDOrekiko obligazioen ordainketan egunean egotea

Interesdunak era arrazoituan bere datuak kontsultatzearen aurka egiten badu, dirulaguntza izapidetu ahal izateko behar den dokumentazio guztia aurkeztu beharko du. Hala badagokio, honako dokumentu hauek aurkeztu beharko dira:

- Dagokion Foru Ogasunaren ziurtagiria, zerga-betebeharrak egunean dituela egiaztatzen duena.
- Gizarte Segurantzarekiko betebeharrak egunean dituela egiaztatzen duten Gizarte Segurantzaren ziurtagiriak.

SEIGARRENA: Diru-laguntzak bateratzea.

Udalak emango duen dirulaguntzaz gain, helburu bera duen beste edozein dirulaguntza ere jaso daiteke. Hala ere, dirulaguntzak ezin izango du jardueraren kostua baino altuagoa izan.

ZAZPIGARRENA: Diru-laguntza kopuruaren aldaketa.

Dirulaguntza emateko kontuan hartu diren baldintzetako bat aldatuko balitz, edo Udalaren dirulaguntzaz gain beste bat jasoko balitz, emandako kopurua alda daiteke.

ZORTZIGARRENA: Dirulaguntzen kentzea.

Dirulaguntza berrikusi egingo da eta, egoki bada, kendu, hauetakoren bat gertatuz gero:

- Ikastolek betebeharrak ez betetzea.
- Dirulaguntza beste helburu baterako erabiltzea.



ARRAZADI
IKASTOLA

Terrilagunak kalea, 1 · 48500 Bergara
Tel.: 943 76 9071



Bergarako
Udala

BEDERATZIGARRENA: Izaera pertsonaleko datuen babesa.

Hitzarmen hau izenpetzean, sinatzen dutenek adierazten dute bertan ezarritako betekizun guztiak bete egiten dituztela eta hemen jasotako baldintza eta betebeharrak guztiak goitik behera onartzen dituztela.

Sinatzen dutenek deklaratu dute hitzarmen hau izenpetzeko eman duten informazioa egiazkoa dela, ez dutela isilean ezer gorde edo aldatu.

Aldi berean, izenpetzen dutenek adierazten dute Bergarako Udalarari eman dizkieten Datu Pertsonalak bere onespenez eman dizkiotela eta datu horiei tratamendua emateko baietza ematen dutela.

Informazioaren tratamenduak kontuan hartuko du Datu Pertsonalak babesteari eta eskubide digitalak bermatzeari buruzko abenduaren 5eko 3/2018 Lege Organikoan ezarritakoa eta aplikagarri diren gainerako xedapenak.

HAMARGARRENA: Aurreikusita ez dagoena.

Hitzarmen honetan aurreikusita ez dagoen guztirako, honako hauek aplikatuko dira: Diru-laguntzak arautzen dituen 38/2003 Estatuko Legea, azaroaren 17koa; lege hori garatzen duen 887/2006 Errege Dekretua, uztailaren 21ekoa; Bergarako udaleko dirulaguntzen ordenantza orokorra; eta Bergarako aurrekontuetako udal araua.

HAMAIKAGARRENA: Auzigaiak.

Hitzarmen honetatik auzigaiak sortzen badira, hitzarmenak berak izaera juridiko-administratiboa duenez, administrazioarekiko auzietarako jurisdikzio-ordenaren menpe geratuko dira.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, goian aipatutako toki eta egunean laukoiztuta sinatzen dute.

Alkatea

Telesforo Aranzadi Koop.
ikastola

Mariaren Lagundia
ikastola

Gorka Artola

Agurtzane Loidi

Nagore Murua



ARANZADI
IKASTOLA

Herrilagunak kalea, 1 - 20570 Bergara
Tel.: 943 76 90 71

Nagore M.



IRISMAKARI
ALOTZAKI